



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Replica Ioan. Eckii Adversvs Scripta secunda Buceri
apostatæ super actis Ratisponæ**

Eck, Johannes

Ingolstadii, 1543

VD16 E 416

Bucer perpetuo mentitur & aperte malus est.

urn:nbn:de:hbz:466:1-30106

II. PARS BUCERI

Execucullatus monachus, quicquid audet cogitare, audet facere. Multa bona pollicetur Bucer de conciliabulo suo, ac si de cœtu malignantium quicquam boni sperandum sit. Odio habet deus impium & impietates suas: nam cauere satanam nō possunt, qui se totos illi dederunt, Christo sponso ac sponsa eius ecclesia relicta, & sede apostolica, hoc est, præpositis ecclesiæ contemptis.

Perpetuo
mentitur
Bucer.

¶ Pollicetur ordine se velle percurrere articulos in Ratisponensibus colloquio & conciliatos & non conciliatos, & in quibus vere consensum sit, & in quibus secus, & qua ratione de his consensus statui queat. Audiamus quàm integre hoc faciat, quia cum de omnibus se acturum promiserit, dūtaxat agit de tribus. Maiusculos omnes, qui destruit ecclesiam, omisit: adeo miserū est hoc genus hominum à Romana ecclesia apostatantium, vt perpetuo mentiantur. Vnde non dubito, si mihi responderit, eum acervos mendaciorum ficturum.

SECUNDA PARS FARRAGINIS BUCERICÆ.

Art. I. de conditione hominis ante lapsum.

Articuli.
Fol. 33

Aperta
malicia
Bucer
ri.
Responde
si potes.

DE hoc articulo nihil controuersum fuit, ait Bucer, sed addit: quare merito Eckius suam calumniam inter suos compotores continuisset. Hic videmus nostrum pium, solum gloriam dei, tanto zelo concordiam in fide quaerentem. Et quæ est illa calumnia Eckij, quia scripsit: Articulus iste nunquam fuit inter catholicos & diuersarios controuersus: Idem dicit Bucer, quod Eckius, sed Eckij calumnia est Buceris benedictio. Quis non videat excoecatū odium apostatæ? Neque hoc mendacio est contentus, sed falso honorem

morem meū denigrat. Inter cōpotores suos ait, qui tam sobrie ac frugaliter domiuiam, & frugalius, quā ipse cum sua lupa. Quis me vidit compoculatorem, etiam si alacrior sim cum amicis & hospitibus? Tot labores lectionum in scholis, declamationum in populis, tot librorum à me & manu mea editorum, sobrietatem magis testantur. At respexit forsā in patriarcham suum Lutherum, oinophorum profunde pocula, etiam ad æquales haustus exiccantem, non tamen id ei vitio vertam, si solum facit pro more gentis suæ. Fidem ergo gloriosissimo Imp, datam recte seruauī, qui articulum illum non taxarim.

ART. SECVNDVS DE
libero arbitrio.

PVugnatū ait supra ea re Bucer, forte in somno loquitur. Nihil fuit super ea re pugnatum, vt ex actis Melanchthonis, & Buceri liquet, & nostra Apologia. Petierūt duntaxat additiunculam, quæ non grauatim fuit eis permissa, vt in margine omnium liquet. Et ego in Apologia articulum reliqui inconuulsum: tantummodo declarationem minus sanam restitui. At quid pupugerit Bucerū, non potest dissimulare. Dixi illos iam melius sentire, quā olim senserint, quando Luther & Carlstadius negauerunt penitus lib. arbitr. & q̄ res esset de solo titulo, & quod haberet se pure passiue ad opus bonum, in quo nihil omnino operaretur, & nullam prorsus haberet actiuitatem, vt in disputatione Lipsica efficacissimis autoritatibus & rationibus contrarium euicimus. Pudet Bucerum Lutheranae & Carlstadianæ sententiæ, ideo mendacissime negat vnquam à suis negatum lib. arb. nec rubet, vtcunq; fortiter mentiatur. Non legit assertiones Lutheri in articulis per bullam damnatis, vbi negat esse in potestate nostra, etiam operationes

Error de
libero ar.
reuocatus
per Luthe
ranos.

H natus